

Afrikaans

Lees die storie oor 'n held

Wolraad Woltemade – 'n held

Eenmaal, lank gelede, het die skip *De Jonge Thomas* in Tafelbaai by Kaapstad aangekom. Daar was 'n groot storm. Die **matrose** (sailors) op die skip was baie bang. Skielik strand die skip op die **rotse** (rocks) in die see.


Die mense op die strand weet nie hoe om die matrose te red nie.

Wolraad Woltemade, 'n boer, kom kyk of hy kan help.



"Ons moet iets doen!" dink Wolraad. "Die matrose moenie **verdrink** (*drown*) nie!"

Wolraad Woltemade ry op sy **perd** (*horse*) in die woeste see in. Hy gaan die matrose probeer **red** (*save*)! Die matrose hou aan sy perd vas en sō red Wolraad en sy perd hulle. Hy en sy perd gaan dadelik weer terug skip toe en red nog matrose. Sewe keer gaan hulle in en red veertien matrose.



Die agtste keer gaan hulle terug. Maar te veel matrose begin aan die perd vasklou. Almal is **moeg** (*tired*) en bang en wil gered word. Die perd is moeg en sak onder die water in.

Wolraad Woltemade en sy perd verdrink saam met die matrose.

Wolraad Woltemade en sy perd sal altyd as helde onthou word.



Lees eers die sinne. Hulle is deurmekaar.
Nommer hulle in die regte volgorde (1-6)

- ☐ Wolraad Woltemade besluit om die matrose te gaan red.
- ☐ Eendag het daar 'n skip in Tafelbaai aangekom.
- ☐ Die agste keer toe hy in die see gaan, het hy en sy perd verdrink.
- ☐ Toe was daar 'n groot storm op die see.
- ☐ Hy het sewe keer ingegaan en veertien matrose gered.
- ☐ Die skip strand op die rotse in Tafelbaai.s